

甌鉢羅室書畫過目考

唐駝

甌鉢羅室書畫過目攷目錄卷四

潞河李玉茶昉瓠編輯

張廷濟

陳希濂

宋湘

陳詩庭

吳榮光

吳鼎

湯金釗

趙學轍

盛惇大

盛大士

陸學欽

吳嵩梁

顧臯

陳嵩慶

陳鴻壽

謝蘭生

程鷺

梁章鉅

顧純

黃培芳

沈起鯨

高墀

馮金伯是蕙

趙之琛懿

馮承輝

有光

朱本

朱璉

朱鶴年

閔貞

黃鶴

尤蔭

惲標

董洵

沈宗騫

吳東發

徐渭仁

黃均

朱文新

朱英

朱齡

朱沆

孫源湘

徐松

孫爾準

彭邦疇

朱為弼

王功後

姚元之

何凌漢

紹基紹業
紹祺紹京

屠倬

吳慈鶴

沈可均

畢星海

顧純熙

周士乾

沈容

王溥

汪寶松

寶榮

齊彥槐

張岳崧

郭尚先

張深

孫均

俞岳

廖雲槎

鍾仁

李福

沈榮

瞿樹本

樹辰

吳秉權

楊旭

張瑩

關炳

陳均

文錦

程恩澤

林則徐

伍長華

祁寯藻

湯貽芬

綬名楫
名祿名

張鈞

楊天璧

張澹

沙神芝

葉恒

汪鏞

趙颿

張朝桂

文鼎

吳永楷

陳 樽

毛樹棠

余文植

陳 經

費丹旭

以耕

李 育

鄧傳密

金應仁

倪 耘

張 舒

倪鳴時

夏之鼎

陳 潮

汪 鴻

楊 振

張祥河

茂辰

趙 光

許乃晉

乃穀

厲 志

蔣寶齡

莖生

蔡載福

沈 焯

瞿應紹

李 濬

戴鑑

沈嘉林

錢 冰

吳 咨

微

黃 鞠

程庭鷺

祖慶
葉道芬

顧 升

李紱磨

翁廣平

維

蔣予檢

張維屏

黃樂之

翟云升

周爾墉

劉廷杰

王玉璋

王壽康

凌 霞

景梁曾

吳 賢

錢 松

司馬鍾

張 穆

戴 熙

張士保

招子庸

光岐

姚燮

田祥

錢聚朝

楊能格

曾國藩

平翰

胡震

程恭壽

卓樞

黃增祿

江清驥

潘曾瑩

畢道遠

顏炳

顧超

周棠

秦炳文

胡遠

汪廷儒

汪昉

華翼綸

吳熙載

吳廷康

焦春

覺羅崇恩

劉德六

王素

金元

沈振麟

晉康

包棟

王承楓

王禮

陳允升

吳雲

李鴻裔

張熊

張槃

朱熊

偁

任熊

董頤

趙之謙

王維珍

楊鐸

羅清

李慶良

鄭珊

胡義贊

甌鉢羅室書畫過目攷卷四

潞河李玉榮昀瓠編輯

張廷濟字叔未一字說舟號竹田又號海岳庵門下弟子浙江嘉興人嘉慶戊午解元工書兼篆隸精攷證金石晚年寫梅有古趣著清儀閣集袁子文上舍藏有摹鐘鼎字小幀張仰山處士藏有墨梅立幀行書五絕二首名款七字王朶園觀察藏有臨米詩大幀書於道光庚子年七十三歲款署覺生先生

陳希濂字秉衡號澱水浙江錢塘人嘉慶戊午舉人工隸書花卉精鑑賞所收尺牘甚富黃易極推之景劍泉閣學藏有四行隸書大幀又墨花卉立幀骨秀神清白陽遺則

宋湘字煥襄號芷灣一號蓬之廣東嘉應人嘉慶己未翰林官湖北糧道書由二王泛濫各家陶峻厓農部藏有臨唐宋各家屏六幀何伯瑜處

士藏有臨薤花帖大幀頗得楊式凝三昧

陳詩庭字畫生號妙士江蘇嘉定人嘉慶己未進士授知縣不就山水宗婁江著讀書劄起深柳居詩文集張子祥畫史藏有仿耕煙吾谷觀楓圖小卷筆雅色妍恰合虞山妙諦

吳榮光字伯榮號荷屋廣東南海人嘉慶己未翰林官湖南巡撫書由率更而詣眉山畫宗仲圭精鑑金石著吾學錄綠伽楠館諸集古肆見有墨筆仿梅道人大幀筆意雄獷惜歟識挖損真殺畫劄子手也許仁山閣學藏有小楷便面直逼貽晉齋又設色山水便面亦極清健又設色花卉便面得南田妙意余藏有行書蘇詩長卷自嶺南旋留別邑紳溫

昶園觀察矣

吳鼎宇及之一字山尊號抑庵又號南愚山樵晚號達園安徽全椒人嘉慶己未翰林官侍講學士工書畫駢體文著夕葵書屋集心泉上人藏

有臨米詩札冊饒有逸致王朶園觀察藏有設色歲朝圖士女大幀筆意雅秀惜絹本薰污矣

湯金釗字敦甫浙江蕭山人嘉慶己未翰林官大學士謚文端書法魯公兼承旨晚帶隸意著寸心知室詩文稿余家藏有行書牋紙大屏四幀又繼述堂匾額字幾二尺筆意豐勁舉重若輕皆先祖松巖公款又臨松雪梅花詩並蘭亭十三跋朝鮮苔牋冊書於道光己丑冬日秀潤沉穩而有丰神蓋公書似以中年臨褚趙者為佳耳

趙學轍字季田號蓉湖江蘇陽湖人嘉慶己未進士官浙江湖州知府書法顏米趙董諸家偶寫蘭兼工篆隸瑛蘭坡中丞藏有行書墨蘭便面冊二葉文人之筆均悟上乘

盛惇大字甫山號南墅江蘇陽湖人嘉慶己未召試舉人官甘肅慶陽知府工山水與盛大士時稱二盛卓芝民齋尹藏其祖海帆相國款設色

山水卷肆力倪黃筆意近漸師連緒齋上公藏有墨山水大幀專仿子
久尤覺鎔鑄古法古肆見有與張深合作山水冊八葉各宗一家似合
王宸妙諦每葉各署款識

盛大士字子履號蘭蓀一號逸雲江蘇鎮洋人嘉慶庚申舉人官山陽教
諭著蘊懷閣詩文集溪山卧遊錄嵩嶺山司寇藏有墨山水屏四幀皆
力追宋元余藏有設色山水大幀先叔祖宜園公款古肆見有設色袁
浦餞春圖大卷直造漁山之室

陸學欽字敦書號子若一號蘊真江蘇鎮洋人嘉慶庚申舉人與盛大士
同邑同學同科而同負盛名書法蘇米畫宗奉常兼寫梅著蘊真小草
余家藏有墨山水長幀先叔祖宜園公款

吳嵩梁字子山號蘭雪一號蓮花博士梅影中書江西東鄉人嘉慶庚申
舉人官貴州黔西知州書法蘇米詩名冠當代著香蘇山館全集陳同

叔比部藏有行書錄舊作五律詩冊十四葉王竹吾司馬藏有行書印
牋立幀款署理堂九兄

顧臯字晴芬江蘇金匱人嘉慶辛酉狀元官戶部侍郎工蘭竹精小楷程
容伯光祿藏有墨蘭石立幀余家藏有 先祖松巖公墨蘭竹石絹屏
四幀蒼楚有致乃文之餘技耳

陳嵩慶字復庵號荔峰兆崙族子嘉慶辛酉翰林官吏部侍郎工書陳葆
珊觀察藏有小行書詩冊近華亭意

陳鴻壽字子恭號曼生一號種榆道人浙江錢塘人嘉慶辛酉拔貢生官
江蘇海防同知工篆隸鐫刻兼人物山水花木著垂連理館集印種榆
仙館詩曾宰宜興製砂壺為時大彬儲大炳後絕技古肆見有設色寫
意大畫冊純取高逸末葉王學浩跋張仰山處士藏有墨竹大幀作於
袁浦舟中聽雨墨濃筆繁益見瀟灑許紫原水部藏有行書直幀楚調

自歌不謬風雅許仲弢廉訪藏有兩行隸書屏六幀筆意高古書味盎
然曼生之於篆隸師古而不泥於古自為創格宜其歷久而愈重之

謝蘭生字佩士號澧浦廣東南海人嘉慶壬戌翰林書法大令陳詩庭孝
廉藏有沈石田畫卷有其行楷題五律四首

程鷺字梧岡山西太原人工花鳥楊少初太守藏有設色花鳥大屏十二
幀工力深穩兼資少遜又見有絹本設色花鳥大冊筆意近張雪鴻

梁章鉅字蔭林號荳鄰晚號退庵福建長樂人嘉慶壬戌翰林官江蘇巡
撫書兼歐董工詩著藤花吟館詩鈔二思堂叢書樞垣記略林心甫明
府藏有小行楷詩冊十葉筆意勁秀

顧蕤字希翰一字吳羹號南雅又號息廬江蘇長洲人嘉慶壬戌翰林官
通政司副使書法褚虞精小楷工寫梅著南雅詩鈔顧緝庭觀察藏有
紅梅直幀左右邊隙皆近時吳人題詠余家藏有墨梅大幀行楷七律

二首 先祖松巖公款

黃培芳字子實號香石晚稱粵嶽先生廣東香山人嘉慶甲子副貢生官教諭書法右軍山水宗王孟端著嶺海樓十種何伯瑜處士藏有墨山水直幀頗深點苔法

沈起鯨字子魚號瘦生浙江海鹽人官江蘇縣丞工山水梁章鉅雅器之所歷之境每倩其繪圖紀勝著亦吾廬吟草孫小山分轉藏有設色山水大幀兼大癡房山筆意深穩

高塏字爽泉浙江錢塘人嘉慶舉人書學褚登善精摹詒晉齋阮元刊刻積古諸書多出其寫陳鶴舟明府藏有臨雁塢聖教序冊余藏有行書便面款署宗蕉園

馮金伯字冶堂號南岑江蘇南匯人官句容訓導喜書畫著墨香居畫識兩種頗資鑑賞攷核余藏有行楷便面法率更而兼華亭子是蕙字棉

莊東庭訓工寫花鳥以俟過目

趙之琛字獻甫號次間浙江錢塘人陳鍾豫弟子工山水樹石篆隸鐫刻著補羅迦室印存與陸飛丁敬黃易蔣仁陳鴻壽屠倬陳鍾豫目為杭州八逸張仰山處士藏有設色秋林晚眺圖小卷似錢磬室潘鄭庵尚書藏有摹盤鼎銘二十器文字冊趙之謙跋從子懿初名祖仁字懿子號穀庵同出陳氏之門寫梅有金石氣趙硯孫中翰藏有摹周簠銘長幀不遜世父作也

馮承輝字永伯號少眉江蘇婁縣人歲貢生工篆刻人物花卉晚年寫梅號梅花畫隱余外舅張溫公極推服之著古鐵齋詞鈔印譜印學管見歷朝印識兩漢碑跋琢玉小志梭風草堂詩稿韓角邑比部藏有七行篆書大幀張子和比部藏有墨梅大卷溫公題識弟有光字星仲貢生畫梅師冬心夫婦皆以鑑賞娛情張子和比部藏有紅綠梅花絹

本卷倔強孤高幾抗冬心行書七絕二首識語三行亦頗古雅

朱本字澥夫號素人江蘇江都人工山水人物花鳥心泉上人藏有仿王晉卿設色山水大幀細密清刻無甜熟氣家西園主人藏有設色絹本大屏如華岩蹲豹麥隴文禽桐陰獵犬之屬款署摹古十二幀古雲老弟余藏有進爵圖士女立幀均臻古法

朱璉字若賢號石齋江蘇江都人工花鳥人物周蒼生太史藏有涉江采芙蓉士女大幀余藏有楓樹松鼠大幀俱近新羅

朱鶴年字埜雲江蘇江都人工指墨人物山水余藏有踏雪尋梅圖士女立幀用筆勁峭余外舊張溫和公司藏有指作醉八仙圖大橫幅長丈許溫和公司自題七古一篇詩載集中

閔貞字正齋江西南昌人有閔孝子稱工白描潑墨人物山水花木鳥獸兼長指法余家藏有潑墨毫奎圖立幀增芝田觀察藏有指寫壽者相

大幀

黃鶴字石屏江蘇丹徒人王文治妹夫花鳥與潘恭壽絕相似陳研香農部藏有仿楊龍友蘭影圖立幀時款三行

尤蔭字貢父號水邨又號半灣詩老江蘇儀徵人工山水竹蘭客禮親王摹授世子汲修主人指法家藏東坡石鈔圖著黃石羣雅集馬仲午明府藏有石鈔圖立幀並錄蘇詩於上許醴泉齋尹藏有設色寫五月江深草閣寒詩立幀意近石田增芝田觀察藏有設色山水橫冊十葉雅似高翔

惲標字樞亭格族孫畫有宗風張聽庵觀察藏有荷花金魚大卷頗饒秀麗觀察名樹葵卷尾楷書自題七古一篇

董恂字企泉號念巢一號小池浙江山陰人官四川寶邑主簿工篆刻山水竹蘭著印香書屋印說小池詩鈔宗遂樓副憲藏有墨竹蘭屏四幀

氣韻雄奇寫以篆法增芝田觀察藏有墨山水立幀似梅道人所謂以簡勝繁

沈宗騫字熙遠一字芥舟號硯灣老圃浙江烏程人書法二王山水人物皆得古法著芥舟學畫編曾筌巢侍御藏有設色仿燕文貴山店早春圖絹本卷古肆見有二喬觀書圖立幀

吳東發字侃叔號芸廬浙江海鹽人錢大昕弟子歲貢生工山水著商周文拾遺耘廬詩鈔瑛蘭坡中丞藏有墨山水便面款署仿方壺長卷一角極蘊藉高雅亦文人妙作也

徐渭仁字文臺號紫珊晚號隋軒江蘇上海人工篆隸行楷精鑒定周鐵珊太史藏有臨香光書杜詩大卷直逼陳玉方

黃均字穀原號香疇又號墨華居士江蘇元和人官湖北施南同知書法香光畫仿倪黃著墨華庵稿韓芸孫署正藏有仿思翁墨山水絹本大

卷四
六
幀心泉上人藏有臨宋元各家山水小冊墨筆設色各半極臻蒼逸譚
頌甫刺史藏有設色山水絹本立幀款署梅癡家西園主人藏有仿耕
煙楓林晚棹圖卷頗得清麗之妙吳子復太守藏有設色仿一峰山水
紙本長卷楷書長題又摹承旨青綠山水立幀尤覺秀色可餐景劍泉
閣學藏有仿倪迂設色春林山影圖大幀筆意略近思翁姜穎生孝廉
藏有設色仿大癡紙本大幀款署子醇蓋穎生尊行也家芝陔太守藏
有青綠仿趙榮祿松陰高士圖紙本長幀款署魯山古肆見有仿董文
敏紅樹秋山圖絹本直幀允為嘉道間畫家宗工而四王吳惲之學賴
以不墜曠亭環山而後合讓斯人矣

朱文新字滌齋鶴年兄工士女摹唐六如兼山水花卉與素人埜雲並號
三朱卓友蓮太守藏有採桑士女立幀

朱瑛初名灤字宣初號韻華館道士朱珪孫官某知府工花鳥篆隸余家